



傳氏眼科審視瑤函卷之二

樂集目錄

淫熱反尅之病

芍藥清肝散

通氣利中丸

黃連天花粉丸

黃連爐甘石散

龍腦黃連膏

啗鼻碧雲散

麝仁春雪膏

風熱不制之病

羌活勝風湯

杏仁龍膽草泡散

七情五賊勞役饑飽之病

柴胡復生湯

黃連羊肝丸

當歸養榮湯

助陽活血湯

決明益陰丸

加減地黃丸

血爲邪盛凝而不行之病

川芎行經散

消凝大丸子

氣爲怒傷散而不聚之病

千金磁硃丸

滋陰地黃丸

石斛夜光丸

滋陰腎氣丸

血氣不分混而遂結之病

防風散結湯

熱積必潰之病

竹葉瀉經湯

蜜劑解毒丸

陽衰不能抗陰之病

決明夜靈散

陰弱不能配陽之病

沖和養胃湯

東垣瀉熱黃連湯

益氣聰明湯

心火乘金水衰反制之病

還陰救苦湯

菊花決明散

神驗錦鳩丸

萬應蟬花散

內急外弛之病

黃芪防風飲子

無比蔓荊子湯

奇經客邪之病

撥雲退翳丸

扼子勝奇散

磨障靈光膏

消翳復明膏

爲物所傷之病

傳氏眼除風益損湯卷之二

林傷寒愈後之病

蘇軾文獻公集

廣陵人參補胃湯

男傳補益國使編集

強陽搏實陰之病止

小歌

大梁抑陽酒連教

國仁

亡血過多之病

陳無擇芎歸補血湯

痲疹餘毒之病

痲則羚羊角散

羊角白蜡

解毒小靈散

越麥翁毒之藥

昔龍解毒血藥

五血散之藥

解毒散毒藥

無光變制子湯

聖明軒實創之藥

人參解毒藥

抱子勝奇散

聖寒愈之藥

有醫復明膏

剝風益財藥

傅氏眼科審視瑤函卷之二

秣陵傅仁宇九科纂輯

婿張文凱廷獻叅閱

廣陵林長生聲震較補

男傅維藩國棟編集

甥張秀徵珩訂正

公猷

掄

全次

大梁周靖公鼎節較梓

體仁

顓

自病有三因

陳無擇曰喜怒不節憂思兼併以致臟腑氣不平鬱

而生涎隨氣上厥乘腦之虛浸淫目系陰注於目

輕則昏澀重則障翳眵淚努肉白膜遮睛

皆內因

如

數冒風寒不避暑濕邪中於項乘虛循系以入於

腦侵於目而生目病者

皆外因

若嗜慾無節飲食不

時頻食五辛過啖炙燂馳騁田獵冒涉烟塵勞動

外情皆喪明之才

此內外因也

徐彥純曰人之眼目備臟腑五行相資而神明故能

視○内障乃瞳神黑小神光昏昧也外障則有翳

膜可見○内障有因於痰熱氣鬱血熱壅陽壅陰

虛脫榮衛所致

種種不同

外障有起於內背睛上睛下

睛中視其翳色從何經來惟宜分治○目之爲病

肝熱則昏暗心熱則煩痛風濕血少則涸癢腎虛則不禁固甚則陷突緩則翳暗矣

診視

脉經曰左寸脉洪數

心火上炎也

左關脉弦而洪

乃肝火盛也

左尺脉微弱

乃腎水不升而火在上也

右寸關脉俱弦洪

乃肝木挾

相火之勢來侮所不勝之

右尺脉洪數

為相火邪火上炎挾

金而戕已所勝之土也

按六脉浮緊有力者為寒

沉數有力者為熱微細而弱者為虛洪大而滑者

為實夫五臟常欲相順相生如心見緩肝見洪肺

見沉脾見瀦腎見弦此五臟相合相生之理稟太

和之氣其疾何以生焉是為疾者五臟必相尅相

反如心見沉細肝見短瀦腎見遲緩肺見洪大脾

見弦長此五臟相形相尅遞相互變之機其疾再
無不作者萬物生尅一定之理豈止於病目而言
哉又謂五臟不和則六腑不通六腑不通則九竅
疲癰九竅疲癰則氣血壅滯亦令人憎寒發熱惡
風自汗胸膈痞滿有類傷寒似瘧但目紅赤而頭
不痛項不強身發熱不致戰慄發熱不致悶亂爲
異而爲外障或頭眩目昏頭痛而目不紅爲內障
由人於六慾七情飲食色慾過度運動失宜豈能
一一中節而無不乖亂臟腑閉竅不得宜通而痰
內潰也予特叙痰飲之脈皆弦微沉滑或云左右
關脈大者或伏而大者皆痰也眼皮及眼或如灰
烟黑者亦痰也然治法痰因火動降火爲先火因
氣逆順氣爲要亢則害承迺制者寒極則生熱熱
極則生寒木極而似金火極而似水
金極而似火水
極而似土也
左手寸口心與小腸之脈所出君

火也左手關部肝與膽之脈所出風木也左手尺

部腎與膀胱之脉所出寒水也右手寸口肺與大腸之脉所出燥金也右手關部脾與胃之脉所出濕土也右手尺部命門與三焦之脉所出相火也六脉者浮沉遲數滑瀼也浮者爲陽在表爲陽爲虛也沉者爲陰在裏爲濕爲實也沉遲者爲陰寒在臟也浮數者爲陽熱在腑也滑者血多氣盛也瀼者氣滯血枯也

八要者表裏虛實寒熱邪正也表者病不在裏也裏者病不在表也虛者五虛也脉細皮寒氣少泄利

飲食不入也。漿粥人胃，瀉止則生實者，五實也。脉盛，皮熱，腹脹，前後不通，瞀悶也。大小便通利而得汗者，生寒者，臟腑積冷也；熱者，臟腑積熱也；邪者，外邪相干也；正者，臟腑自病也。

內經謂目痛赤脉從上下者，太陽病；從下上者，陽明病；從外走內者，少陽病；從內走外者，少陰病。太陽病宜溫之，散之；陽明病宜下之，寒之；少陽病宜和之；少陰病宜清之。

保命集云：眼之爲病，在腑則爲表，當除風散熱；在臟

則爲裏當養血安神暴發者爲表易治久病者爲裏難療按此論表裏之不同明矣用以治病如鼓應桴也

靈樞顛狂篇云目眥外決於面者爲銳眥在內近鼻者爲肉眥上爲外眥下爲內眥

凡看目疾者男子多患左目女子多患右目此陰陽氣血不同故也或有左右無常者乃邪熱攻迫故也如男先傷左目而右目屢發定不可保女先傷右目而左目屢發亦不能救必須觀人老少壯弱

爲主少而壯者易治老而弱者難治易治者用藥
溫和難治者用藥滋補隨症用藥不可執一曰症
雖有多端然看者先將分數預定其初不致有悞
如瞳神凸凹者不治青綠白色者不治純黑者不
治睛少光彩者不治此老人血衰之症若翳障如
半月之狀俱難治之若睛圓不損不論星多必翳
厚薄悉皆治之翳怕光滑星怕在瞳神上總翳膜
輕薄星點細小難退翳障未盡切不可用刀割目
得血而能視刀割則傷血亦不可用火灸翳膜生

自肝火又以火攻之是以火濟火豈是良法惟服藥於先必兼點藥則病漸退根除而不復發也

按目病有外感有內傷外感者風寒暑濕燥火此標症也患者致目暴發疼痛白睛紅腫眵淚赤爛其勢雖急易治內傷者喜怒憂思悲恐驚此七情也患者致黑珠下陷或起蟹睛翳膜障朦或白珠不紅瞳神大小視物昏花內障不一其勢雖緩難治又有不內不外而飲食不節饑飽勞役所致當理脾胃為主目症雖多不外風熱虛實之候治亦不

離散清補瀉之法。然補不可過用參朮。以助其火。惟用清和滋潤之類。瀉不可過用硝黃龍膽。以凝其血。惟用發散消滯之類。藥用當。則目自愈。今人治目。往往不大補。則驟用大寒。多致受傷。治目毋投寒劑。固是要法。又當省其致病之源。以治之。如貪酒者。徐徐戒其酒。好色者。緩緩戒其色。暴怒者。與言戒其暴怒。不聽。則難療也。然心生血。脾統血。肝藏血。血得熱則行。得寒則凝。凝則生翳。生膜。目斯患矣。不可不慎。凡病目後。宜滋腎水。何也。目以